



## Universitätsbibliothek Paderborn

**Vademecum Sive Praxis Opera Quotidiana Aliaque ritè  
peragendi, & per ea salutem& perfectionem propriam, ac  
proximi, instituto Societatis Jesu conformem assequendi**

**Limpens, Ferdinand**

**Coloniæ Agrippinæ, 1744**

§.VII. Litaniæ.

[urn:nbn:de:hbz:466:1-54750](#)

*De operibus quotidianis.*

31

pacificus, quod majori mihi longè honori ducō, quām splendidos aliorum titulos, & encomia aureis & argenteis laminis incisa, optoque unicē, ut cum veritate illum aliās mihi familiarem versum S. Gregorii in agone possim repetere :

*Nulum turbavi, discordes pacificavi,*

*Læsus sustinui, nec mihi complacui.*

Ad me magis magisque in his propositis confirmandum, & symbolam meam in id conferendum, ut quilibet experiatur, Societatem à S. Xaverio jure appellatam esse *Sodalitium amoris*. Excitabo me səpiùs suavitate colloquiorum, quæ inter se in cœlo habebunt, qui hac in vita Fratres fuere in Christo, & quibus Christus ipse commilitones suos in æternum recreabit. Hæc est, & fuit praxis cujusdam, ut supra insinuavi. Tu felige, quod libuerit.

Porrò quomodo intelligenda sit regula, quod colloquiorum materia esse non debeant dissidia ac bella nationum ac Principum, quodque erga cæteros semper nos bene affectos esse oporteat, patebit ex adferendis animadversione quintâ sequente. Quæ si serventur, fructuosa semper & jucunda erunt colloquia nostra.

§. VII.

LITANIAE

**P**ost recreationem pomerid. orantur *Litanie Lauretana*, post vespertinam omnium Sanctorum in Prov. Rheni infer. ubi iterum signum

B 4

per-

perfectionis est, si his juxta ordinem diei præscriptum constanter intersis, eásque devotè & animo collecto ores cum cæteris, persuasum tibi habens, quòd oratio à pluribus in Christo sibi devinētis fratribus alacriter & cum fervore fusa cœlos penetrret. Si enim exaudita sunt preces eorum (Saræ & Tobiae) in conspectu gloriae summi DEI, & missus est Angelus Domini sanctus Raphael, ut curaret eos ambos, quorum uno tempore sunt orationes in conspectu Domini recitatae. Tob. 3. Cur non & eadem erit ponenda fiducia in precibus, & quidem Ecclesiæ sanctæ DEI communib[us] (in quibus absque eo meritò magna locatur fiducia) cum fervore à pluribus simul in Christo Fratribus recitatis? tantùm dolendum, si in communi precum istarum recitatione sæpiùs ita fuisti distractus, ut vel ad contentum precum non attendens, vel ne quidem, instar bovis muti, cum aliis oraris. Ad hæc evitanda quidam, dato ad Litanias orandas signo, se paulisper recolligens solebat imaginari sibi, aperiri cœlum, DÉUM in sede Majestatis suæ considerare, afferri ei ab Angelis thymiamata, quæ sunt orationes Sanctorum, & Seniores viginti quatuor circumambiantes vestimentis albis cum coronis aureis in capite. Apoc. 3. sive tot Santos, quot in Litanis invocantur, & benedictam maximè DEI Matrem assurgere, & DEO commendare præsentes omnes suum patrocinium invocantes. Certè vivax imaginatio devotionem acuet, & multas impedit distractiones. Idem suprà memoratus, revelationem P. Martino Guttierrez fa-

ctam

Ctam recolens, intuebatur se & confratres suos pallio B. V. contextos, flexis sub pallio isto genibus eam invocantes, & quoties ab iis dicitur, *ora pro nobis*, toties beatissimam DEI Matrem eos Filio suo commendare sibi imaginabatur.

Quidam vir insignis à doctrina & virtute in Provincia nostra celebris, morti proximus alteri viro gravi dixit, summo sibi esse solatio, quod communem diei ordinem præscriptum semper exactè servarit, & ne vel medius ullo die quadrans à multis annis ipsi effluxerit, quem non præmeditatè certæ cuidam sibi ab ante præscriptæ occupationi impenderit, & hic immediate post Litanias medium quadrantem insumebat in dies adnotandis vel doctis ac ingeniosis, vel piis, aut etiam jocosis salem sapientiae admixtum habentibus, quæ vel in lectione ad mensam, vel in recreatione, vel alias per diem audierat, legerat, & inde thesaurum non contemnendum in proprium & proximi bonum sibi paulatim comparavit. Jam videamus ulterius, quomodo regula de dissidiis Principum in colloquium non adducendis, & de æquo erga exterorū,

Patriotas, &c, affectu sit intelligenda, & in praxin deducenda.

